

վայրերի մէջ, քաղաքից կէս ժամ հեռու, բոլոր յարմարութիւններով օժտուած, «վերելեկաւոր եւ յարկարածիւնաւոր», բացառիկ «գրաւչութիւններով եւ առաւելութիւններով» լեցուն — Automatic Otis Elevator, Frigidaire Electric Refrigeration, Brass Piping for Hot-Cold Water — տուն է երազում: Նկարի ներքնախորը դուռ տեսնում էք բոցաժառուած գործարաններ, ետուն զեռուն գործունէութիւն, բազմաշարկանի տուններ, լեցունած բազմազաւակ եւ ազմկալից ընտանիքներով: Դուք այդ անուանում էք ներուժ կեանք, կառուցողական լինելիութիւն, արտադրական թափ՝ շոգեկաններ, շոգեկառքեր, սուլոյցների ձայնը, ինքնաշարժների վազքը, տրակտորների գրչւմբոցը: Բանուոր Պետօն հնոցը երկոյցիան լքում է, մեծ դարբասի ձօռ ժամանակաչափ մեքենայի տոմար անում, մանում է կօօպերատիւի գինեւունը, մի երկու բաժակ օղի տնկում, զակուսկա անում ու ընկերների հետ կատակ անում ու փառք տալիս Մարքսին եւ Լենինին...

— Ինչո՞վ վատ երազ է:

— Երազները երբեք էլ վատ չեն, եւ հարցը դրանում չէ: Հարցը նրանում է, թէ՛ ձեր միտակութեան մերկութիւնը ի՞նչպիսի պատմութեանով էլ ուզում ծածկել: Թղենու տերեւը մարդկային մարմնի կարեւորագոյն մասի վրայ: Ուզում էք ծածկել, որովհետեւ մերկ էք, որովհետեւ ներկան ձեր աչքերի առջեւ վիհ է, բովանդակութիւնից դուրկ, չոր մի տափաստան, որ պէտք է հերկել եւ ջրել, մեռելային եւ պարապ մի աշխարհ, որը լարուած զնդերի հարուածների տակ, արինի, քրանքի եւ ոսկրի ուժով պիտի կենդանանայ: Brass Piping for Hot-Cold Water: Եւ յանուն այդ իդէալի ուրանում էք անցեալը եւ ուրանում էք ներկան, որովհետեւ ձեզ ներշնչող ոչ մի հոգեկան իրականութիւն չէք տեսնում:

— Ինձ համար գոյութիւն ունի միայն այն, ինչ որ երեւում է, ինչ որ աչքերս տեսնում են եւ ձեռքերս շոշափում են:

— Այո՛, հասկանում եմ, բայց պէտք չէ չփոթել իրականը տեսանելիի հետ: Ահա խրատաղէ՛մ, աղքատիկ եւ միտակեաց մեր երկիրը: Ձեր աչքերը հոգերի գիակի վրայ են սաւառ-

նում եւ ոչինչ չեն տեսնում, իսկ ես, կեանքի ոչ մի պահին, այդքան կենդանութիւն չեմ ըզգացած: Երբ նաւի վրայ էինք՝ վախենում էի: Ռ՛ւր ենք եկել, ի՞նչ է այս պարապը եւ ի՞նչ է ուզում ինձանից կծակացած այս լաւան... Յիշո՞ւմ էք Պասկալը եւ իր «անծայր տարածութիւնների մշանջենական լուծիւնը», որի առջեւ նա սարսափում էր: Պասկալը սարսափում էր — հիմա այդ ես լաւ եմ ըմբռնում — որովհետեւ կորցրել էր կենդանի կապը իրականութեան հետ: Նա ապրում էր պարապի մէջ եւ ուզում էր այդ պարապը յաղթել իր տրամաբանական եւ թուաբանական հանճարով: Վերջ ի վերջոյ նա եւս ձեզ նման նիւթապաշա էր: Նրկար տարիներ ես նրան համարում էի լատին մտայնութիւնից վեր միակ տուայտող եւ երաժշտական հոգին: Իրականի մէջ այդպէս չէ, Պասկալը, մտածում եմ այսօր, մի խաղամու է, որը վախում է պարապելուց: Միակ բանը, որ նա խորապէս զգում է, դա պարապն է, ու իր միտակութեան մերկութիւնը նա եւս ուզում է ծածկել հաւանականութեան օրէնքով: Յիշո՞ւմ էք, — Աստուած չկա՛յ... Իսկ ե՞թէ կայ... Ու Պասկալը մտնում է Մօնտեկառլօ, նստում է կանանչ սեղանի առջեւ եւ խաղում է: Հարիւր հարուածի մէջ մէկը անպատճառ պիտի շահի, ուստի մէկ հաւանականութիւն կայ, որ Աստուած գոյութիւն ունի: Եթէ կայ մէկ հաւանականութիւն, ուրեմն աւելի լաւ է, աւելի օգտակար է հատուալ. ինչո՞ւ ի դուր տեղը վտանգի ենթարկենք մեր ապագան... Անհրաժեշտ է չարամարանել: Պէտք է ապշանալ — abetissez vous: Աստուած — faites vos jeux, Messieurs... Եւ վերջ ի վերջոյ Պասկալի թուաբանական Աստուածը տարօրինակ կերպով նմանում է ձեր «վերելեկաւոր եւ յարկարածիւնաւոր» երազին: Կեանքի նոյնանման, հաշուարանական եւ պարտադրական լուծում: Ծրագրը իրականութիւնից դուրս եւ ոչ ներսը:

Արդ, նայեցէք, մթնշաղի այս պահին, երբ երեւութապէս ամէն ինչ անհետանալու վրայ է, երբ գիշերը ձեռքը երկարում է գէպի լեռների ձիւնը, ու մեր քայլերը կպչում են պարապին — հայ մեր այդ երկիրը ճառագայթում է: Նրա ներքին բոցալատուած կրակը